



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**In Evangelia: Qvæ Vsitato More in diebus Dominicis &  
Festis proponuntur, Annotationes Philippi Melanth.**

**Melanchthon, Philipp**

**Vuitebergæ, 1544**

**VD16 E 4532**

Dominica Dvodecima Post Trinitatis, Evangelivm, Marc. VII.

**urn:nbn:de:hbz:466:1-35272**



DOMINICA DVODECIMA 64  
POST TRINITATIS,  
EVANGELIVM,  
Marc. VII.

**E**T iterum exiens de finibus Ty-  
ri & Sidonis, uenit ad mare Ga-  
lileæ, inter medios fines Decapo-  
leos, Et adducunt ei surdum, impe-  
ditæ linguæ, Et deprecabantur eum,  
ut imponeret illi manum, Et appre-  
hendens eum de turba seorsum, mi-  
sit digitos suos in aures eius, & ex-  
puens tetigit linguam eius, & suspi-  
ciens in cœlum, ingemuit, & ait illi:  
Ephetha, quod est, adaperire, & statim  
apertæ sunt aures eius, & solutum est  
uinculum linguæ eius, & loquebatur  
recte, Et præcepit illis, ne cui dicerent.  
Quanto autem magis ille eis præcipie-  
bat, tanto magis prædicabant, & supra  
modum stupebant, dicentes: Bene  
omnia fecit, & surdos fecit audire, &  
mutos loqui.

I. Vna



## DOMINICA DVODECIMA

I. Vna quædam perpetua doctrina in his miraculis omnibus obseruanda est, quòd testimonia sunt, quæ ostendunt Euangelium non esse commenticium, sed diuinitus traditum. 2. Monent item, quòd uenerit Christus, & sunt testimonia promissionum, uidelicet, quòd uere uelit Christus tollere peccatum & mortem. Quia enim tollit morbos, & excitat mortuos, etiam causam calamitatum tollet, scilicet peccatum & regnum Diaboli. 3. Item hæc miracula ostendunt, hunc liberatorem habere diuinam potentiam, quia restituit naturam extinctam, quod est tantum diuinæ potentie. Ad hanc generalem regulam omnia miracula referantur.

Secundo. In his miraculis cause morborum & omnium calamitatum considerentur, quæ sunt peccatum & Tyrannis Diaboli, qui impellit infirmas mentes ad multa flagitia, & sæpe corpora ex cruciat morbis, sicut cedes & similia molitur, cum sit homicida. Hæc breuiter describuntur in Genesi, ubi dicitur: Serpens mordebit calcaneum. Nemo est, qui non experiatur insignem aliquem morsum, ut ostendunt calamitates & lapsus Sanctorum. ut Moysi, Aaronis, Dauidis, & aliorum. Impios uero omnino deuorat serpens, ut ostendunt horribilia exempla historie mundi.

TER



## POST TRINITATIS. 65.

**TERTIO.** Contra hæc miracula testantur, datum esse liberatorem, qui & naturam sanabit, & belligeratur cum serpente, seruat & defendit petentes auxilium contra serpentem, sicut Genesis inquit: Ipsum semen conteret caput serpentis. Is qui caput conterit, est uictor. at hostis, qui mordet calcaneum, id est, qui iacet, nec potest se erigere & attollere, uincetur. sicut serpens non potest se attollere, ita sciamus Diabolum esse uictum à Christo. Et quanquam iaculatur uenena, tamen erigere se non potest, & tandem à Christo conculcabitur.

**QUARTO.** Affectus Christi præcipue in hoc Euangelio consideretur, ubi dicitur ingemuisse. Credamus ueros & magnos motus animi esse, qui misericordia generis humani afficitur. sicut in epistola ad Ebræos dicitur. Habemus pontificem, qui scit compati &c. Sed homines sunt ferrei, sicut hic surdus, non statuunt uere affici Deum cura nostræ salutis. Sunt igitur etiam muti, non inuocant, nec curant præstare reliquos cultus.

**QUINTO.** Est ergo hic surdus & mutus, totius humani generis typus, & eius sanatio est imago præcipuorum operum Christi. Mundus est surdus, non audit uerbum Dei, nec assentitur. ideo nec nouit, nec curat Deum. Deinde est mutus, non inuocat neque colit. Venit igitur Christus,  
i ut tollat



## DOMINICA DVODECIMA

ut tollat hæc mala, dat Euangelium, & ostendit ueram Dei noticiam, quam deinde sequuntur inuocatio, confessio & reliqui cultus.

SEXto. Nec solum dat uerbum Christus, ut cæteri Prophetae, sed ipse admouet manus, ut testetur se efficacem esse, & non ociosum. Talis enim liberator est, ut ipse uerè nobiscum agat, det dona petentibus, depellat Diabolum. sicut inquit Iohannes: Christus uenit, ut destruat opera Diaboli. Sicut hæc ipsa miracula in genere testimonia sunt promissionum, quod ita uerè uelit nobiscum agere, iuxta suas promissiones, sicut cum illis agit, quos liberat in his miraculis. Sed tanta est surditas humanæ mentis, ut etiam sancti uix obscure hæc audiant, infirmiter assentiantur. Petamus igitur à Christo, ut & nobis aperiat aures, & os, ut credamus eum uerè affici cura nostræ salutis, uerè ingemiscere misericordia nostræ infirmitatis, & ut hæc fiducia ipsum inuocemus, & eius beneficium celebremus nostra confessione.

## DOMINICA DECIMATERTIA POST TRINITATIS, EVANGELIUM,

LUC. X.

ET con-